

Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 04/03/2026

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministeschen fir Mobilitéit an Ëffentlech Aarbechten weiderzeleeden.

D'lescht Joer hat d'Sécherheitsfirma *Protection Unit* hir Aktivitéiten zu Lëtzebuerg iwwerraschend agestallt, wouduerch, ënnert anerem, d'Sécherheitspersonal bei den CFL direkt betraff war, obwuel nach kurz virun – am Februar – en neie Kontrakt opgestallt gouf. An dësem Kontext hat ech schonn a menger parlamentarescher Fro n°1906 op dës Problematik higewisen.

Zënter dem Summer 2025 gëtt de Gardiennage bei den CFL vun der Firma Brinks duerchgefouert, woubäi d'Personal zum Deel vu *Protection Unit* iwwerholl gouf. No mengen Informatiounen besteet beim Personal no dësem Iwwergang, och no méi wéi engem Joer, eng grouss Ongewëssheet, besonnesch wat d'Aarbechtsstabilitéit an déi perséinlech Zukunftsperspektiven ugeet.

Am Kontext vu rezente Gewaltvorfäll am ëffentlechen Transport ass et wichteg, datt d'Sécherheitsleit, déi alldeelech fir d'Sécherheet vu Passagéier an CFL-Personal schaffen, eng Gewëssheet fir hir Zukunft kréien.

An deem Zesammenhang wëilt ech der Ministesch dës Froe stellen:

1. Wéi vill Sécherheitsagent:innen vu *Protection Unit* goufe virun der Iwwernam duerch Brinks fir d'CFL agesat?
2. Wéi vill Leit goufe vu Brinks iwwerholl a wéi vill kruten een CDI a Vollzäit?
3. Wéi vill Persounen goufen net zu de viregte Bedingungen iwwerholl, a wat waren d'Grënn?
4. Wéi hunn sech zënter der Iwwernam duerch Brinks d'Iwwerstonnen, d'Krankeschäiner, den



Absenteismus an d'Personalfluktuatioun am Gardiennage entwéckelt?

5. Wier et rechtlech méiglech, datt d'CFL direkt Sécherheetsleit ënnert eegenen CFL-Konditiounen astellen, an net iwwer eng extern Sécherheetsfirma? Falls jo: firwat gëtt dës Optioun net ëmgesat?
6. Ass scho bekannt, wien no deene provisoreschen 9 Méint de Gardiennage bei der CFL fir déi nächst véier Joer iwwerhëlt?

Mat déiwem Respekt,



GOERGEN Marc
Deputéierten